



Eniwan save en sud enjoe taem onlaen. Bata pipol wea oloketa diseibol oloketa nao insaed lo grup wea pipol luk daon lo oketa en meinli ekspiriensim staka diskrimineson, buli o fisikol, mentol en imosinol abius.

Diskrimineson, buli en abius no olraet en shud no alao – lo onlaen o lo ril laef.

Gudfala fren mas:

- Kaen en rispektful.
- No mekem yu fil sore.
- No askem yu duim eniting yu no laek fo duim.

Oloketa wei fo hao yu save protektim yu seleva en oloketa narawan onlaen:

1. Protektim imeil en sosol midia akaunt blo yu mas [setim ap strong paswod](#) en [tu-fakta otentikeson](#). Askem samwan yu trastim fo help wetem diswan, if yu nidim.
2. No livim doa lo haus blo yu open. Hem semsem tu lo onlaen – no searem paswod blo yu wetem eniwan. No oloketa fren blo yu, no oloketa famili blo yu. No nid fo tekem risk.
3. No searem oloketa nara infomeson osem lo wea nao yu stap, fon namba blo yu o bank deteil blo yu wetem oloketa pipol yu no save.
4. Taem list blo frens blo yu gro, kip lukaut lo praevet seting blo yu olowe fo meksua oloketa infomeson blo yu kipim praevet en pablik stil mekem yu fil seif.
5. If yu kam akrosim eniting onlaen dat yu no laekem, o no andastanem, talem samwan yu trastim.
6. Send en akseptim nomoa fren rikwest if yu save nao lo man/woman ya.



If yu o samwan wea yu save lo hem go tru onlaen buli o abius bikos oloketa diseibol:

1. Ask if oloketa olraet en sapotim oloketa, if oloketa laek fo sea hao nao oloketa fil.
2. Letem oloketa toktok wetem oloketa narawan wea oloketa trastim fo sapot en advais.
3. Rimaendim oloketa dat oloketa save [ripotim](#) pipol en no gud bihevia go lo oloketa pipol ranem onlaen saet ya wea hapen lo hem. Askem oloketa if yu save helpem oloketa wetem diswan, o letem oloketa fo askem samwan oloketa trastim.
4. If samwan o samting mekem yu fil no gud abautem yu seleva, or if usim Facebook mekem yu fil sore or wari, talem samwan wea yu klos wetem. Hem gud fo tekem samfala taem aut from sosol midia.
5. If samting mekem yu fil wari abaotem wanfala fren, sekim hem.
6. If samting no fil rait, samting mekem yu no fil gud, trastim wanem nao yu filim en lukaotem help from samwan wea yu trastim.



Fo moa infomeson, visitim Netsafe New Zealand's risos lo [Bullying and Abuse](#).